



Bosnia and Herzegovina
Federation of Bosnia and Herzegovina
CANTON SARAJEVO
Ministry of Health

Broj:10-33-55454-41/24
Sarajevo, 10.02.2025.godine

SKUPŠTINA KANTONA SARAJEVO
Služba za Skupštinske poslove

PREDMET: Odgovor na zastupničku inicijativu-dostavlja se

Samostalna zastupnica Elza Gaković je na Devetnaestoj Radnoj sjednici Skupštine Kantona Sarajevo, održanoj 30.12.2024.godine, u okviru tačke Dnevnog reda „Poslanička/zastupnička pitanja, inicijative i odgovori“ podnijela inicijativu koja se tiče kombinovanog korištenja trakica za mjerenje glukoze uz senzor za kontinuirano mjerenje glukoze (CGM).

U vezi sa dostavljenom inicijativom, Ministarstvo zdravstva Kantona Sarajevo dostavlja sljedeći

ODGOVOR

Ministarstvo zdravstva Kantona Sarajevo istu inicijativu već je uputilo Zavodu zdravstvenog osiguranja Kantona Sarajevo. Inicijativu dostavljamo u prilogu ovog akta.

Po zaprimanju odgovora od Zavoda zdravstvenog osiguranja Kantona Sarajevo isti ćemo Vam proslijediti u cjelosti.

S poštovanjem,



Prim. mr s. Hasanović

DOSTAVITI:

- Naslovu
- a/a





Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33-3103/25
Sarajevo, 28.01.2025.godine

ZAVOD ZDRAVSTVENOG OSIGURANJA KANTONA SARAJEVO

n/r Direktor, Mr.sci.oec Muamer Kosovac

Ložionička 2

S a r a j e v o

PREDMET: Inicijativa za omogućavanjem kombinovanog korištenja trakica za mjerenje glukoze pacijentima koji koriste kontinuirane glukozne monitore (CGM) -dostavlja se

Poštovani,

Udruženje oboljelih od dijabetesa tip 1 uputilo je inicijativu kojom bi se pacijentima koji koriste kontinuirane glukozne monitore (CGM) omogućilo i korištenje trakica u količini od 50 trakica za period od tri mjeseca (kvartal).

Naime, kontinuirani glukozni monitor omogućava pacijentima da efikasno prate nivo glukoze u krvi, međutim, kako bi se obezbjedila tačnost i preciznost mjerenja, neophodno je da pacijenti koriste i odgovarajuće trakice. Trakice su ključne za kontrolu CGM i provjeru tačnosti očitavanja rezultata i pravovremeno reagovanje na promjene u nivou glukoze, što direktno utiče na kvalitet života pacijenata i omogućava bolju kontrolu dijabetesa.

Prema trenutno važećoj Uredbi o obimu, uslovima i načinu ostvarivanja prava osiguranih lica Kantona Sarajevo na medicinska sredstva kroz zadnje izmjene i dopune koje su objavljene u „Službenim novinama Kantona Sarajevo“ broj 21/23, u članu 57. stav (5) definisano je da pacijenti koji imaju aparat za kontinuirano mjerenje šećera u krvi ne mogu ostvariti pravo na aparat za samokontrolu šećera u krvi te pripadajuće trakice.

Uzimajući u obzir da u susjednoj Hrvatskoj pacijenti oboljeli od dijabetesa, koji koriste kontinuirane glukozne monitore, imaju pravo na trakice u okviru zdravstvene zaštite, smatramo da bi uvođenje slične prakse u Kantonu Sarajevo značajno poboljšalo kvalitet života pacijenata i doprinosilo efikasnijem liječenju, ali i smanjenju troškova liječenja komplikacija koje mogu nastati usljed neadekvatnog tretiranja nivoa glukoze u krvi.

S obzirom na specifične potrebe ovih pacijenata, molimo vas da razmotrite mogućnost odobravanja trakica (50 komada za tri mjeseca) kao integralnog dijela terapije uz kontinuirane glukozne monitore, odnosno izmjenu člana 57. Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva („Službene novine Kantona Sarajevo“ br. 22/20, 30/21, 42/22, 48/22 i 21/23) kako bi pacijenti mogli nastaviti sa adekvatnim i kontinuiranim praćenjem svog stanja.

Uzimajući u obzir da sve veći broj pacijenata obolijeva od dijabetesa, rano otkrivanje, adekvatan tretman i kontinuirano praćenje nivoa glukoze doprinose značajnom poboljšanju ishoda liječenja i smanjenju troškova zdravstvenog sistema.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

1/2

Shodno svemu navedenom, vjerujemo da ćete uvažiti ovu inicijativu kako bi osigurali maksimalnu učinkovitost i sigurnost za sve pacijente oboljele od dijabetesa.

S poštovanjem,

MINISTAR



Hasanović

DOSTAVITI:

- Naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

2/2